



**Finale Resultate Persverklaring vir Remgro Beperk
(Remgro)**

**REMGRO SE INTRINSIEKE NETTO BATEWAARDE POSITIEF BEÏNVLOED
DEUR MEDICLINIC SE KORPORATIEWE AKTIWITEITE**

- **Vergelykbare wesensverdienste per aandeel neem met 2.5% tot 1 463 sent toe**
- **Intrinsieke netto batewaarde per aandeel verhoog met 6.1% tot R306.44**
- **Totale dividend per aandeel vir die jaar neem met 7.5% tot 460 sent toe**

Die samestelling van Remgro se intrinsieke netto batewaarde is positief beïnvloed deur Mediclinic International plc (Mediclinic) se korporatiewe aktiwiteite, wat 'n verhoogde belang in Mediclinic teweeggebring het en wat hoofsaaklik befonds is deur die verkryging van skuld by die kern. Hierdie korporatiewe aktiwiteite, inter alia, het ook die vergelykbaarheid van die wesensverdienste bemoeilik en om hierdie rede word wesensverdienste op 'n vergelykbare basis voorsien. Verwys na die "Notas aan die redakteur" vir die berekening van die vergelykbare wesensverdienste.

Remgro se vergelykbare wesensverdienste het toegeneem met 2.6% vanaf R7 339 miljoen tot R7 529 miljoen, terwyl **vergelijkbare wesensverdienste per aandeel** toegeneem het met 2.5% vanaf 1 427 sent tot 1 463 sent. Hierdie toename is hoofsaaklik danksy beter bedryfsvertonings deur die bank-, versekerings-, gesondheidsorg- en nywerheidskategorieë, wat gedeeltelik teengewerk is deur laer verdienste deur RCL Foods, asook Grindrod.

Die bydrae van **voedsel, drank en huishoudelike sorg** tot Remgro se vergelykbare wesensverdienste het R1 400 miljoen (2015: R1 531 miljoen) bedra, wat 'n afname van 8.6% is. RCL Foods se bydrae het met 41.7% tot R440 miljoen afgeneem hoofsaaklik te wyte aan laer bydraes deur die suiker- en hoenderbesighede. Die hoenderbesigheid is negatief geraak deur 'n massiewe ooraanbod in die plaaslike mark, veroorsaak deur plaaslike produksie en storting, terwyl die suikerbesigheid weens die ernstige droogte onder druk gebly het. Unilever se bydrae het met 39.3% tot R461 miljoen (2015: R331 miljoen) toegeneem, hoofsaaklik vanweë omsetgroei en verbeterde marges. Distell se bydrae, wat die belegging in Capevin Holdings insluit, het R499 miljoen (2015: R445 miljoen) bedra. Hierdie toename is hoofsaaklik die gevolg van omsetgroei en doeltreffendheidsverbeteringe regdeur die besigheid. Distell het sterk groei ervaar in alle produkkategorieë en is ook bevoordeel deur 'n swakker rand teenoor die vernaamste geldeenhede waarin handel gedryf word.

Die bydrae van die **bankwese**-afdeling het R2 989 miljoen (2015: R2 845 miljoen) bedra, wat 'n toename van 5.1% is. FirstRand en RMBH het wesensverdiensgroei van onderskeidelik 5.9% en 4.5% gerapporteer. Op 'n genormaliseerde basis was FirstRand en RMBH se verdienstegroei onderskeidelik 7.4% en 7.0%, hoofsaaklik as gevolg van groei in beide rente- en nie-rente-inkomste vanaf FNB, RMB en WesBank, gedeeltelik teengewerk deur 'n toename in kredietwaardedalingskoste wat die verswakkende makro-ekonomiese omgewing weerspieël.

Mediclinic (**gesondheidsorg**) se bydrae tot Remgro se vergelykbare wesensverdienste het R1 952 miljoen (2015: R1 434 miljoen) bedra. Hierdie 36.1% toename is hoofsaaklik te danke aan stewige vertonings deur al drie bedryfsplatforms, sowel as die positiewe effek van die swakker rand.

RMI Holdings (**versekering**) se bydrae tot vergelykbare wesensverdienste het met 3.3% tot R888 miljoen (2015: R860 miljoen) toegeneem. Op 'n genormaliseerde basis het RMI Holdings verdienstegroei van 5.9% gerapporteer, met Discovery en OUTsurance wat goed vertoon het met verdienstegroei van 6.6% en 42.7% onderskeidelik, gedeeltelik teengewerk deur laer verdienste van MMI Holdings (laer met 15.8%). OUTsurance se groei kan toegeskryf word aan die wesentlike verbetering in die Youi-groep se bydrae. Die vergelykende jaar se resultate is negatief beïnvloed deur verskeie weerverwante rampe in Australië. MMI Holdings se afname is hoofsaaklik te wyte aan laer onderskrywingswinste, sowel as laer bate-gebaseerde fooie.

Die **nywerheids**belange sluit in Total se wesensverdiensbydrae van R291 miljoen (2015: R133 miljoen). Ingesluit by die bydrae is ongunstige voorraadherwaardasies ten bedrae van R88 miljoen (2015: R286 miljoen). Hierdie herwaardasies is die gevolg van onbestendigheid in die Brent-ruolieprys en die randwisselkoers. Uitgesluit dié herwaardasie, het die bydrae met 9.5%, van R419 miljoen tot R379 miljoen afgeneem, hoofsaaklik vanweë 'n uitstekende bedryfsvertoning deur NATREF in die vergelykende tydperk, wat die raffinadery nie in die huidige verslagtydperk kon herhaal nie. Remgro se deel van KTH se resultate het 'n verlies van R229 miljoen (2015: verlies van R108 miljoen) bedra. KTH se resultate is negatief beïnvloed deur ongunstige billike waarde aanpassings wat verband hou met sy beleggings in Exxaro Resources Beperk en MMI Holdings Beperk se voorkeuraandeel. Air Products en Wispeco se bydraes het onderskeidelik R275 miljoen en R144 miljoen bedra (2015: R222 miljoen en R104 miljoen, onderskeidelik), terwyl PGSI se bydrae R36 miljoen (2015: R30 miljoen) bedra het.

Grindrod, deel van **infrastruktuur**, se bydrae het 'n verlies van R45 miljoen (2015: 'n wins van R135 miljoen) bedra. Dié verlies is hoofsaaklik te wyte aan swak kommoditeitsmarkte en wesentlike laer droëvrag-verskepingstariewe. In die jaar onder oorsig het die CIV-groep R64 miljoen (2015: R51 miljoen) bygedra. SEACOM het 'n wesensverlies van R113 miljoen (2015: wesensverdienste van R96 miljoen) vir die jaar onder oorsig gerapporteer. Remgro se deel van die verlies het R33 miljoen (2015: 'n wins van R24 miljoen) bedra. Die afname is hoofsaaklik te wyte aan hoër waardeverminderingkoste op sekere kabelbates, wat verband hou met 'n verandering in die verwagte bruikbare leeftyd daarvan.

Media en sport bestaan uit die belange in eMedia en verskeie sportbelange, waaronder rugby-franchises, asook die Stellenbosch Academy of Sport. eMedia se bydrae het met 59.4% tot R28 miljoen (2015: R69 miljoen) afgeneem, hoofsaaklik te wyte aan volgehoue druk op advertensie-inkomste weens 'n skerp daling in marktaandeel gedurende die vorige finansiële jaar, wat tot 'n aansienlike belegging in plaaslike programme gelei het om marktaandeel te herwin, asook voortgesette belegging in die multikanaal-besigheid. Die sportbelange se bydrae het 'n verlies van R64 miljoen (2015: verlies van R85 miljoen) bedra.

Die bydrae van **ander beleggings** het R67 miljoen (2015: R84 miljoen) bedra, waarvan Business Partners se bydrae R48 miljoen (2015: R47 miljoen) was.

Finansieringsinkomste het R125 miljoen (2015: R111 miljoen) bedra. Die toename was hoofsaaklik die gevolg van hoër gemiddelde kontantbalanse en hoër rentekoerse as in die vergelykende tydperk. **Finansieringskoste** bestaan hoofsaaklik uit befondsingskoste ten bedrae van R221 miljoen (op 'n vergelykbare basis) wat verband hou met Mediclinic se regte-uitgifte en die Al Noor Hospitals Group plc (Al Noor) transaksie. Op 'n vergelykbare basis het **ander netto korporatiewe koste** R136 miljoen (2015: R113 miljoen) bedra.

Remgro se **intrinsieke netto batewaarde per aandeel** het met 6.1% vanaf R288.89 op 30 Junie 2015 tot R306.44 op 30 Junie 2016 toegeneem. Die sluitingsaandeelprys op 30 Junie 2016 was R254.66 (2015: R255.94) wat 'n diskonto van 16.9% (2015: 11.4%) tot die intrinsieke netto batewaarde verteenwoordig.

Mediclinic se bydrae tot Remgro se intrinsieke netto batewaarde vir die jaar onder oorsig het toegeneem met 89.8% na afhandeling van die Spire Healthcare Group plc (Spire) en Al Noor-transaksies. Gedurende Junie 2015 het Remgro

Mediclinic bygestaan met die verkryging van Spire wat vroeg in Julie 2015 afgehandel is. Die transaksie het 'n regte-uitgif deur Mediclinic ingesluit met Remgro as die onderskrywer. Ten einde aan bogenoemde regte-uitgifte deel te neem, het Remgro oorbruggingsfinansiering ten bedrae van R3.5 miljard bekom. Gedurende Januarie 2016 het Remgro die oorbruggingsfinansiering herfinansier deur die uitreiking van vastekoers-kumulatiewe aflosbare voorkeuraandeel, vir 'n termyn van vier jaar met 'n vaste dividendkoers van 7.7%, halfjaarliks betaalbaar.

Op 14 Oktober 2015 het Mediclinic en Al Noor ooreengekom om die onderskeie besighede saam te voeg ingevolge waarvan Al Noor aangebied het om 100% van Mediclinic te verkry. Die transaksie is op 15 Februarie 2016 afgehandel en gegewe die relatiewe grootte van Mediclinic en Al Noor is dit as 'n omgekeerde oornome van Al Noor geklassifiseer. Die gekombineerde groep staan as Mediclinic International plc bekend en het sy primêre notering op die hoofmark van die Londense Effektebeurs (LSE) behou. Mediclinic het ook 'n sekondêre notering op die hoofmark van die Johannesburgse Effektebeurs en is tot die FTSE 100-indeks van die LSE toegelaat. Bykomend tot die Al Noor-aandele ontvang, het Remgro ook tydens Februarie 2016 op 'n ekstra 72 115 384 aandele in Al Noor ingeskryf teen 'n inskrywingsprys van £8.32 per aandeel vir 'n totale bedrag van £600 miljoen. Ten einde die inskrywing te befonds, het Remgro oorbruggingsfinansiering verkry waarvan £400 miljoen in die buiteland geleen is, terwyl £200 miljoen (of R4.3 miljard) in Suid-Afrika bekom is. Op 16 Maart 2016 is die plaaslike oorbruggingsfinansiering deur die uitreiking van nuwe vastekoers-kumulatiewe aflosbare voorkeuraandele ten bedrae van R4.4 miljard, met 'n termyn van vyf jaar en 'n vaste dividendkoers van 8.3%, halfjaarliks betaalbaar, herfinansier.

Op 22 Maart 2016 het Remgro £350.0 miljoen van die buitelandse oorbruggingsfinansiering herfinansier deur die uitreiking van omruilbare skuldbriewe, met 'n termyn van vyf jaar en 'n vaste koers van 2.625%, halfjaarliks betaalbaar, omruilbaar in nagenoeg 30.9 miljoen Mediclinic gewone aandele en die omruilprys vir die skuldbriewe is £11.3086 per Mediclinic-aandeel. Die omruil-premie is 30% bo die geweegde gemiddelde prys op die LSE tussen die loodsing en prysvasstelling van die skuldbriefaanbod. Die oorspronklike aanbod was met 50% oorskry. Remgro sal die diskresionêre reg hê om 'n bedrag in kontant of aandele, of 'n kombinasie daarvan, te lewer by die omruiling of aflossing van die skuldbriewe. Die skuldbriewe is op 23 Maart 2016 ingesluit vir verhandeling in die ope-markafdeling (Freiverkehr) van Frankfurt se effektebeurs. Remgro se effektiewe belang in Mediclinic op 30 Junie 2016 was 44.6% (Junie 2015: 42.0%).

Skuld by die kern bekom om die bogenoemde transaksies te finansier het R16 452 miljoen beloop op 30 Junie 2016.

Vir die jaar geëindig 30 Junie 2016, is 'n finale dividend van 275 sent per aandeel verklaar (tesame met die tussentydse dividend van 185 sent, bedra die **totale bruto dividend** 460 sent) uit inkomstereserwes ten opsigte van beide die gewone aandele sonder pariwaarde en die ongenoteerde B-gewone aandele sonder pariwaarde. Hierdie verteenwoordig 'n 7.5% toename vanaf die totale dividend verklaar vir die jaar geëindig 30 Junie 2015 van 428 sent per aandeel.

Jannie Durand, hoofuitvoerende beampte van Remgro, sê ter afsluiting: "Die meerderheid van Remgro se beleggings het bevredigende resultate gelewer gegewe die huidige ekonomiese omgewing sowel as die uitdagende handelstoestande. Remgro se strategie om te belê in besighede met 'n soliede prestaserekord en beleggings met bevredigende besigheidsstandaarde, het en sal die groep en sy belanghebbendes tot voordeel baat."

Kontak: Remgro Beperk
Jannie Durand ((021) 888-3253)

Uitgereik en versprei deur: Keyter Rech Investor Solutions
Marlize Keyter (083 701 2021)

Uitreikingsdatum: 20 September 2016
JSE kode: REM
Webwerf: www.remgro.com

Notas aan die redakteur

Wesensverdiensle

Vir die jaar tot 30 Junie 2016 het wesensverdiensle en wesensverdiensle per aandeel onderskeidelik met 26.4% van R7 996 miljoen tot R5 887 miljoen en vanaf 1 555.0 sent tot 1 143.9 sent afgeneem.

Ingesluit in die wesensverdiensle vir die jaar onder oorsig is eenmalige transaksiekoste wat aangegaan is met Mediclinic se regte-uitgifte en die Al Noor-transaksie ten bedrae van R788 miljoen, waarvan R402 miljoen Remgro se eie koste en R386 miljoen Remgro se gedeelte van Mediclinic se transaksiekoste is ("eenmalige koste"), sowel as 'n billike waarde aanpassing van R730 miljoen wat verband hou met die toename in waarde van die skuldbriefhouers se omruilopsie (verantwoord as 'n afgeleide verpligting) van die skuldbriewe ("opsie hermeting") wat in Maart 2016 uitgereik is om die buitelandse oorbruggingsfinansiering gedeeltelik te herfinansier wat met die Al Noor-transaksie bekom is. Die skuldbriewe is omruilbaar vir Mediclinic-aandele en/of kontant en billike waarde aanpassings op die opsie (wat inter alia bewegings in die onderliggende aandeleprys van Mediclinic weerspieël) kan moontlik gedurende die vyf jaar-termyn onbestendigheid in wesensverdiensle veroorsaak. Met uitsluiting van hierdie items, het wesensverdiensle met 7.4%, van R7 996 miljoen tot R7 405 miljoen afgeneem, terwyl wesensverdiensle per aandeel met 7.5% van 1 555.0 sent tot 1 438.9 sent, gedaal het.

Daar moet op gelet word dat wesensverdiensle ander eenmalige items insluit wat die vergelykbaarheid van resultate bemoeilik. Die volgende het betrekking:

- Bykomende finansieringskoste van R245 miljoen wat met Mediclinic se regte-uitgifte en die Al Noor-transaksie aangegaan en verantwoord is vir die drie maande tot 30 Junie 2016, terwyl die geëkwiteerde verdiensle van Mediclinic net vir die tydperk tot 31 Maart 2016 erken is aangesien die groep se verslagperiode drie maande na dié van Mediclinic is;
- Fasiliterings- en onderskrywingsfooie van R99 miljoen wat van Mediclinic ontvang is in die 2015-finansiële jaar;
- Transaksie- en finansieringskoste ten bedrae van R115 miljoen (2015: R38 miljoen) verbonde aan die Spire-transaksie, terwyl die verhaling van R153 miljoen by die wins met die verkoop van Spire aan Mediclinic ingesluit is, buite wesensverdiensle;
- Positiewe impak met die vrystelling van 'n R163 miljoen voorsiening vir onsekere belastingsdispute op RCL Foods se resultate, sowel as 'n wins van R119 miljoen op die uitoefening van die Zam Chick en Zamhatch verkoopsopsies (Remgro se gedeelte bedra R218 miljoen);
- Positiewe impak van 'n Switserse vorige jaar belastingaanpassing op Mediclinic se resultate in die vergelykende tydperk ten bedrae van R712 miljoen (Remgro se gedeelte bedra R300 miljoen);
- Positiewe impak op RMI se wins in die vergelykende jaar met die vrystelling van 'n verkoopsopsie-verpligting by Discovery ten bedrae van R415 miljoen (Remgro se gedeelte bedra R126 miljoen); en
- PRIF se uitkerings van R170 miljoen in die vergelykende jaar vanweë die eerste sluiting teenoor R18 miljoen in die jaar onder oorsig as gevolg van die tweede en derde sluitings.

Uitsluitend bogenoemde items, het Remgro se vergelykbare wesensverdiensle met 2.6% van R7 339 miljoen tot R7 529 miljoen toegeneem, hoofsaaklik danksy beter bedryfsvertonings deur die bank-, versekerings-, gesondheidsorg- en nywerheidskategorieë, wat gedeeltelik teengewerk is deur laer verdiensle deur RCL Foods, asook Grindrod.

Bydrae tot wesensverdienste deur rapporteringskategorieë

R'miljoen	Jaar geëindig 30 Junie 2016	Verandering %	Jaar geëindig 30 Junie 2015
Voedsel, drank en huishoudelike sorg	1 618	5.7	1 531
Bankwese	2 989	5.1	2 845
Gesondheidsorg	1 566	(9.7)	1 734
Versekering	888	(9.9)	986
Nywerheid	517	35.7	381
Infrastruktuur	6	(98.5)	392
Media en sport	(36)	(125.0)	(16)
Ander beleggings	67	(20.2)	84
Sentrale tesourie			
- finansieringsinkomste	125	12.6	111
- finansieringskoste	(1 602)	-	-
Ander netto korporatiewe koste	(251)	(382.7)	(52)
Wesensverdienste	5 887	(26.4)	7 996
Eenmalige koste	788	-	-
Opsie hermeting	730	-	-
Wesensverdienste (uitg. eenmalige koste en opsie hermeting)	7 405	(7.4)	7 996